

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

NEKAZARITZA SAILA

Foru Gobernu Kontseiluaren 237/2022 Erabakia, apirilaren 12koa. Onestea Arabako Lurralde Historikoan abere arrazak hazteko, abereen osasunerako eta abereen ekoizpenerako programa kolektiboak kudeatzeko laguntzen oinarri arautzaileak eta 2022rako deialdia

Foru Gobernu Kontseiluaren uztailaren 20ko 34/2021 Foru Dekretuaren bidez, onetsi ziren Arabako Lurralde Historikoan abere arrazak hazteko, animalien osasuneko eta animalien ekoizpenerako programa kolektiboak kudeatzeko laguntzen oinarri arautzaileak, eta bertan laguntza lerro hauek ezarri ziren:

1. Abere arrazak hazteko programen kudeaketa.
2. Animalia osasunerako programen kudeaketa.
3. Animalia ekoizpenerako programen kudeaketa.

34/2021 Foru Arauaren 7.1 artikulua haxe dio:

7.1. Urtero onetsiko da laguntza deialdia. Deialdi horrek hauek jasoko ditu:

- Deialdiko laguntza lerroak.
- Laguntzen ebazpenerako gordetzen diren kredituak.
- Eskerak aurkezteko epea.
- Laguntzak ordaintzeko modua eta, hala badagokio, ematen den unean aurreratuko den ordainketa ehunekoa.
- Hala dagokionean, laguntzaren gutxieneko eta/edo gehieneko zenbatekoa eta/edo erakunde onuradun bakoitzeko diruz lagun daitekeen gutxieneko eta/edo gehieneko aurrekontua laguntza lerro bakoitzean.

Laguntza lerro horren 2022rako deialdirako, Arabako Foru Aldundiaren 2022ko gastuen aurrekontuko "Abeltzaintza laguntzen plana. Deialdi berria" izeneko 40.102. G/419402/48100424 partidaren kargura, guztira 689.000,00 euro gorde dira, ondoren zehazten denaren arabera:

2022. urtea: 516.750,00 euro.

2023. urtea: 172.250,00 euro.

Ondorioz, Abeltzaintza Zerbitzuak proposatzen du onespina ematea 2022rako laguntza deialdiari Arabako Lurralde Historikoan abere arrazak hazteko, abereen osasunerako eta abereen ekoizpenerako programa kolektiboak kudeatzeko.

Nahitaezko txostenak ikusirik, Nekazaritza Saileko foru diputatuak proposatuta eta Foru Gobernu Kontseiluak gaur bertan egindako bilkuran aztertu ondoren, hau

ERABAKITZEN DUT

Lehenengoa. Onspena ematea 2022rako laguntza deialdiari Arabako Lurralde Historikoan abere arrazak hazteko, abereen osasunerako eta abereen ekoizpenerako programa kolektiboak kudeatzeko, honen arabera:

- a) Deialdiko laguntza lerroak:
 - 2.1 Abere arrazak hazteko programen kudeaketa.
 - 2.2 Animalien osasuneko programen kudeaketa.
 - 2.3 Animalien ekoizpenerako programen kudeaketa.

b) Eskakerak aurkezteko epea: hogei egun baliiodun, erabaki hau ALHAOn argitaratu eta hurrengo egunetik aurrera kontatuta.

c) Eskabideak honako hauetan aurkeztu beharko dira:

– Arabako Foru Aldundiaren Erregistro Orokorrean.

– Gasteizko, Guardiako eta Laudioko Ogasun bulegoen erregistroetan.

– Administrazio Publikoen Administrazio Prozedura Erkideari buruzko urriaren 1eko 39/2015 Legeak 16.4 artikuluan jasotako gainerako erregistroetako batean.

Hala ere, Administrazio Publikoen Administrazio Prozedura Erkidearen 39/2015 Legeak bere 14.2 artikuluan ezarritakoa betez, betiere telematikoki aurkeztu behar dute, egoitza elektronikoen bidez (<https://egoitza.araba.eus/-/tr-registro-electronico-comun>), pertsona juridikoek, nortasun juridikorik gabeko erakundeek, nahitaez elkargoko kide izatera behartzen duen jarduera profesional batean ari direnek (jarduera horretan egiten dituzten izapideetarako), eta administrazioarekiko harremanak nahitaez bide elektronikoz izan behar dituen interesdun bat ordezkatzen dutenek.

c) Kreditu erreserba: Arabako Foru Aldundiaren 2022ko gastuen aurrekontuko "Abeltzaintza laguntzen plana. Deialdi berria" izeneko 40.102. G/419402/48100424 partidaren kargura, guztira 689.000,00 euro, urteroko hauetan honela banatuta:

2022. urtea: 516.750,00 euro (guztirako zenbatekoaren ehuneko 75). (zorpekin erreferentzia: 22.1.22.105.1418/000).

2023. urtea: 172.250,00 euro, gainerako ehuneko 25ari dagozkionak. (zorpekin erreferentzia: 22.3.23.105.105/000).

Hona hemen laguntza lerro bakoitzarentzat gorde beharreko zenbatekoak:

2.1 Abere arrazak hazteko programen kudeaketa: 440.000,00 euro (330.000,000 euro 2022. urterokoaren kontura eta 110.000,00 euro 2023koaren kontura).

2.2 Animalien osasuneko programen kudeaketa: 145.000,00 euro (108.750,00 euro 2022. urterokoaren kontura eta 36.250,00 euro 2023koaren kontura).

2.3 Animalien ekoizpeneko programen kudeaketa: 104.000,00 euro (78.000,00 euro 2022. urterokoaren kontura eta 26.000,00 euro 2023koaren kontura).

Kreditu horiek munta gehigarriekin handitu ahal izango dira, hasieran gordetako zenbateko berdinez gehienez ere, Arabako Lurralde Historikoaren Dirulaguntzen urriaren 19ko 11/2016 Foru Arauaren 21. artikuluan xedatutakoaren arabera.

Laguntza lerro batean krediturik sobera badago, izapide gehiagorik gabe zuzendu ahalko da behar duten lerroetara, hasierako kredituaren proportzio berean, batean baino gehiagoan behar bada.

Laguntzen ordainketa: deialdi honetan honela egingo da: ehuneko 75 laguntza ematen de-nean, eta gainerako ehuneko 25a, aurrerakin hori oinarri arautzaileen 10.1 artikuluan ezarritako moduan justifikatu ondoren, 2023ko apirilaren 1a baino lehen eta betiere hurrengo ordainketaren aurretik.

Laguntzaren gutxieneko eta gehieneko zenbatekoa onuraduneko lerro bakoitzean eta espedienteak sailkatzeko irizpideak: deialdi honetan, ez dira finkatzen laguntzaren gehieneko zenbatekoak ez espedienteak sailkatzeko irizpideak oinarri arautzaileetan ezarrita daudenez aparte.

Bigarrena. Erabaki honek ondorioak izango ditu ALHAOn argitaratu eta hurrengo egunetik aurrera.

Hirugarrena. Erabaki honek amaiera ematen dio administrazio bideari, eta, haren aurka, berraztertze errekurtsoa aurkez dakioko organo horri, hilabeteko epean, argitaratu ondorengo egunetik aurrera; bestela, administrazioarekiko auzi errekurtsoa aurkez daiteke Gasteizko Administrazioarekiko Auzietarako Epaitegian, bi hilabeteko epean, erabakia argitaratu ondorengo egunetik aurrera, bat etorri Administrazioarekiko Auzien Jurisdikzioa arautzen duen uztailaren 13ko 29/1998 Legearen 46. artikuluan ezarritakoarekin.

Vitoria-Gasteiz, 2022ko apirilaren 12a

Diputatu nagusia

RAMIRO GONZÁLEZ VICENTE

Nekazaritza Saileko foru diputatua

EDUARDO AGUINACO LÓPEZ DE SUSO

Nekazaritza zuzendaria

MARÍA ASUNCIÓN QUINTANA URIARTE